

歷代詩話

十五



歷代詩話癸集目錄

明詩

卷上之上

實字

三竿五兩

鯉魚風

白燕

疊字

詠蚊

鴈鷖采恩

訪駙馬

臨刑口占

銅斗

安

兔目

無題

雨風

上巳

佛鐙院

蜀山

卷上之中

紅橋

燕銜

送荆門

礮車颶母

元宵

六更

七賢

梧桐園

岸善崩

腕法

紅兜

春夢婆

卷上之下

玉簫

囊雲

綠腰

只孫

海青

中秋

桔槔烽

瑩中

荆山居士

卷中之上

行邊詩

鍾馗

白鵲

豪放

繡鞋

懷古

白髮春風

下第

烏鬚

卷中之中

忌晨

詩弔

把滑

禽言

飛詩會

久雨

題畫

夜哭

悼張

畫菊

月上

卷中之下

泣孝宗

樂陵令

送別

文章煙月

傲睨

石屏

闌干

用脩

信天翁

子衡

白石

山史

卷下之上

出京

遣懷

刻竹

獨退

子安

受卷

贈盧

茂秦

萬峰

簡倨

新河

白雪樓

大陸

五子七子

許七子

牛腰

青雲

二王

秦聲

懷妾

枇杷

生日

卷下之中

襲前

卓老

謫歸

秋草

養紙薰衣

弄

嬾婦

三雅五經

虎落龍鍾

利瑪竇

白小

山史

宣廟器

龍尾

雌甲

廿年

犢鼻

顏俠客

卷下之下

格律

大長秋

雁塞

文無害

成語

串月

稻孫

方瞳

支離

春場

歷代詩話癸集目錄

癸集目錄

三

歷代詩話卷七十二

癸集一

壽谿 吳景旭旦生氏著

明詩 卷上之上

實字

劉伯溫雪鶴篇云鸞鵠烏鴻鶉鵲翬鷺鵲鵲鶯與鵲
吳旦生曰沙中金集載唐宋人有疊用七實字爲句
者岷峨之山中巴江桂椒柑櫨楓柞樟又異人閒出
駭四方嚴王陳李司馬楊又騅駟駱驪騊駼白魚
赤兔騂皇驕又鴉鴟鷹雕雉鵠鵠鵠鵠鵠鵠鵠鵠鵠
王直方詩話載潘邠老詩封胡羯末謝龜駒玉鴻洪
余謂此法早見之漢柏梁臺詩粗粲橘栗李桃梅矣

今伯溫直將實字連疊兩句尤異若伯溫送姚伯淵
赴清谿任云鱗鱸鰣鯉魴與鱖則是一句疊實者矣
餘冬序錄云七物爲句亦偶用耳或謂詩多用實字
爲美誤矣

三竿五兩

張志道長蘆渡江往金陵詩云春日三竿上翠屏曉風
五兩下蘆汀

吳旦生曰南齊天文志永明五年十一月丁亥日出
三竿朱色黃色赤暈也一云日出三竿曉日候景也
蘇東坡詩酒醒門外三竿日陶南邨詩紅日三竿睡
正安張文潛詩斜日兩竿眠犢晚呂信臣詩一竿斜

口酒旗閒則知視日有三竿兩竿一竿之說又陸放
翁詩殘日半竿斜谷路金人史舜元詩日上南窗已
數竿萬歷中陳仲醇詩高枕窗西日幾竿總是曉日
晚日皆可以竿言也

郭璞江賦覘五兩之動靜注云以雞羽爲扇重八兩
繫於檣尾以候風兩音量淮南子若綰之候風也許
慎云綰候風扇也楚人謂之五兩李頎詩北風吹五
兩誰是潯陽客蘇東坡詩施轉三山沒風回五兩偏
洪武初張適詩樵唱千邨雨漁歌五兩風

以雞羽重八兩建五丈旗
取羽繫其巔立軍營中

鯉魚風

宋景濂詩秋林崖荔雨春浦鯉魚風

吳旦生日提要錄言鯉魚風乃九月風也李賀詩門
前流水江陵道鯉魚風起芙蓉老余觀李曄八月辭
云鯉魚吹長風曲池芙蓉老袁宗曉寒曲云秋江夜
雨芙蓉老翡翠雙飛下紅蓼鯉魚風起鴻雁悲徹骨
清寒夢魂杳蓋用長吉語也郭奎詩鯉魚風熟香粳
早羅鄂州詞云九月江南秋色黃雀雨鯉魚風據此
則於秋時用之爲宜景濂作春浦誤矣

唐庚晚春詩水國春深梅子雨江天日暮鯉魚風亦
是誤用而漁隱叢話稱爲佳句何邪況江天日暮恰
似秋容作者賞者俱未之察耳他如唐人有農家榆

莢雨江國鯉魚風之句月令廣義引之爲三月事李
商隱詩後谿初起鯉魚風石谿漫志云鯉魚風春夏
之交孫蕢湖州樂云鯉魚風起燕飛斜劉原博詩沙
氣半蒸梅子雨浪花初過鯉魚風則是誤認已久而
景濂亦承之也

王逢秋感云鯪魚風息靜江波

白燕

堯山堂外紀曰袁海叟嘗謁楊廉夫見几上有琴川時
大本詠白燕詩春社年年帶雪歸海棠庭院月爭輝珠
簾十二中間卷玉翦一雙高下飛天下公侯誇紫領國
中儔侶尙烏衣江湖多少閒鷗鷺宜與同盟伴釣磯謂

廉夫曰此詩殆未盡體物之妙廉夫不以爲然海叟歸
作詩翌日呈廉夫云故國飄零事已非舊時王謝見應
稀月明漢水初無影雪滿梁園尙未歸柳絮池塘春入
夢梨花庭院冷侵衣趙家姊妹多相忌莫向昭陽殿裏
飛廉夫得詩歎賞連書數紙盡散坐客一時呼爲袁白
燕

吳旦生曰海叟詩天骨清妙稜稜露爽白燕尤擅場
李獻吉謂其集中白燕最下最傳諸高者顧不傳豈
爲知言哉蓉塘詩話載顧文昱題白燕云萬里西風
吹羽儀獨傳霜翰向南飛蘆花映月迷清影江水涵
秋點素輝錦瑟夜調冰作柱玉關曉度雪霑衣天涯

兄弟離羣久皓首江湖猶未歸此與海叟詩可相頡
頔矣余觀海叟此詩如朱鳳山所選在野集改故國
飄零事已非作老去悲來不自知此庸妄可笑益見
景文起句之佳中二聯形似點化俱入神妙卽大本
珠簾玉翦之句極爲廉夫所賞亦遜其自然所微嫌
者海叟末句稍套不若文昱結二語猶有餘情

疊字

袁海叟建華亭學詩云其大維何有門言言有堂軒軒
有廡騫騫有階平平高墉連連鑿池濺濺樹木芊芊

吳旦生日海叟此等句從大雅皇矣篇臨衝閑閑崇
墉言言執訊連連攸馘安安得來揭曼碩詩我游於

袁於龍之干有闢閑閑有環言言有構桓桓維集之
安亦此法也按古詩十九首青青河畔草鬱鬱園中
柳盈盈樓上女皎皎當窗牖娥娥紅粉妝纖纖出素
手昔人謂連下疊字以成句出自創裁後見韓退之
南山詩延延離又屬夫夫叛復邁喁喁魚鬪萍落落
月經宿闇闇樹牆垣嘯嘯架庫廩參參削劍戟煥煥
銜瑩琇敷敷花披萼闐闐屋摧雷悠悠舒而安兀兀
狂以狃超超出猶奔蠹蠹駭不懋則十四句連下疊
字金人蕭真卿采蓮曲一篇十四句全用疊字爲句
蓋又出於韓也

詠蚊

四友齋叢說曰楊鐵崖選大雅集獨取海叟詠蚊一首
末云東方日出苦未明老夫閉門不敢行蓋言其時小
人貪殘如蚊蚋噉人脂血至明初人若可以少安矣然
明而未融蚊蚋尙未盡去故閉門而不敢行似有譏切
明初之意

吳旦生曰海叟集四卷不載此詠於集外見一首云
羣蛇戢戢方鬪爭蝦蟆螻蛄相和鳴百足之蟲行無
聲毒氣著人昏不醒蚊蚋雖微亦從橫隱然如雷吁
可驚東方日色尙未明老夫閉門不敢行觀其質力
蒼冪絕似初漢人筆鐵崖亦取其氣崛耳託興要在
全篇若以末語明字爲含譏切便是下士廋詞殆未

然

海叟之父可潛爲府掾作檢田吏一篇云有一老翁
初病起破衲羶瘦如鬼曉來扶向官道旁哀告行
人乞錢米時予奉檄離江城邂逅一見憐其貧倒囊
贈與五升米試問何故爲窮民老翁答言聽我語我
是東鄉李福五我家無本爲經商只種官田三十畝
延祐七年三月初賣衣買得犂與鋤朝耕暮耘受辛
苦要還私債輸官租誰知六月至七月雨水絕無潮
又竭欲求一點半點水卻比農夫眼中血滔滔黃浦
如溝渠農家爭水如爭珠數車相接接不到稻田一
旦成沙塗官司八月受災狀我恐徵糧喫官棒相隨

鄰里去告災十石官糧望全放當年隔岸分吉凶高
田盡荒低田豐縣官不見高田旱將謂亦與低田同
文字下鄉如火速逼我將田都首伏只因嗔我不肯
首卻把我田批作熟太平九月開早倉主首貧乏無
可償男名阿孫女阿惜逼我嫁賣賠官糧阿孫賣與
運糧戶卽日不知在何處可憐阿惜猶未笄嫁向湖
州山裏去我今年已七十奇飢無口食寒無衣東求
西乞度殘喘無因早向黃泉歸旋言旋拭腮邊淚我
忽驚慚汗霑背老翁老翁勿復言我是今年檢田吏
蓋可潛筆法矯矯至此海叟世其學他作遜迺公而
詠蚊差近之宜鐵崖獨取此首